



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«20» հունիսի 2023թ.

ք.Երևան, Մ. Դավթի 87<sup>ա</sup>

Ա/Ձ Նոյեմի Գրիգորյանին  
Հասցե՝ ք.Երևան, Կ.Ուլենցու 1փկղ. 1Բ 2  
ՀՎՀՀ՝ 25433777

## Ծանուցագիր

Հայտնում ենք Ձեզ, որ համաձայն ՀՀ պետական եկամուտների կոմիտեի հարկ վճարողների ընթացիկ հսկողության հարկային տեսչության-վարչության 12.12.2022թ. թիվ 4222018 ակտի՝ Ա/Ձ Նոյեմի Գրիգորյանի կողմից իրացվել են ակցիզային դրոշմանիշերով և (կամ) դրոշմապիտակներով դրոշմավորման ենթակա չդրոշմավորված (չվերադրոշմավորված) ապրանքներ:

Նկարագրված իրավախախտման համար վարչական պատասխանատվություն է նախատեսված ՀՀ Վարչական իրավախախտումների վերաբերյալ օրենսգրքի 170.8-րդ հոդվածով:

Դուք **07.07.2023թ-ին, ժամը՝ 16:00-ին, հրավիրվում եք ք. Երևան, Սասունցի Դավթի 87Ա**, Իրավաբանական վարչություն 2-րդ հարկ, սենյակ 211, հեռախոսահամար **010-30-91-91 /ներքին 91-92/**, նշված դեպքի առթիվ վարչական իրավախախտման վերաբերյալ վարչական վարույթը վերսկսելու, արձանագրության կազմմանը և գործի քննությանը մասնակցելու համար:

Համաձայն «Վարչարարության հիմունքների և վարչական վարույթի մասին» ՀՀ օրենքի 23-րդ հոդվածի Վարչական վարույթում վարույթի մասնակիցները կարող են մասնակցել ինքնուրույն, իրենց ներկայացուցիչների միջոցով կամ նրանց հետ միասին: Լիազորված անձինք կամ օրինական ներկայացուցիչները վարչական մարմնի պահանջով պարտավոր են ներկայացնել լիազորագիր կամ օրինական ներկայացուցիչ լինելը հաստատող փաստաթուղթ: Լիազորագրի համար նոտարական վավերացում չի պահանջվում:

ՀՀ վարչական իրավախախտումների վերաբերյալ օրենսգրքի 267 հոդվածի համաձայն վարչական իրավախախտման վերաբերյալ գործը կարող է քննվել Ձեր բացակայությամբ, սույն ծանուցագրում նշված օրը չներկայանալու դեպքում: Բացատրություններ տալու, ապացույցներ ներկայացնելու, միջնորդություններ հարուցելու, ինչպես նաև դիմումներ և առարկություններ ունենալու դեպքում կարող եք այն ներկայացնել [secretariat@petekamutner.am](mailto:secretariat@petekamutner.am) էլեկտրոնային փոստի միջոցով:

Վարչական իրավախախտումների  
վերաբերյալ գործերի բաժնի  
գլխավոր մասնագետ

Մարինե Մնացականյան



ՀՀ ՊԵՏԱԿԱՆ  
ԵԿԱՄՈՒՏՆԵՐԻ  
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57  
Կայք՝ [www.petekamutner.am](http://www.petekamutner.am) Էլ. փոստ՝ [secretariat@petekamutner.am](mailto:secretariat@petekamutner.am)

13.04.2023թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՈՐՈՇՈՒՄ թիվ 4222018/22-Կ

ՎԱՐՉԱԿԱՆ ԻՐԱՎԱԽԱՒՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով վարչական իրավախախտման վերաբերյալ գործի նյութերը,

ՊԱՐԶԵՑԻ

Համաձայն ՀՀ պետական եկամուտների կոմիտեի հարկ վճարողների ընթացիկ հսկողության հարկային տեսչություն-վարչության 12.12.2022թ. թիվ 4222018 արձանագրության՝ (ուժի մեջ է մտել 13.12.2022թ. և անբողոքարկելի դարձել 14.02.2023թ.) Ա/Ձ Նոյեմի Գրիգորյանին (ՀՎՀՀ՝ 25433777) պատկանող ք.Երևան, Արշակունյաց 15 տաղավար 2ա հասցեում գործող տաղավարից իրականացված հսկիչ գնման արդյունքում պարզվել է, որ Ա/Ձ Նոյեմի Գրիգորյանի կողմից իրացվել է դրոշմապիտակներով դրոշմավորման ենթակա չդրոշմավորված 2000 ՀՀ դրամ ընդհանուր արժեքով ապրանք: Ա/Ձ Նոյեմի Գրիգորյանը օտարել է ակցիզային դրոշմանիշներով և (կամ) դրոշմապիտակներով դրոշմավորման ենթակա չդրոշմավորված (չվերադրոշմավորված) ապրանքներ, որի ընդհանուր արժեքը չի գերազանցել հիսուն հազար դրամը, որի համար պատասխանատվություն է նախատեսված ՀՀ Վարչական իրավախախտումների վերաբերյալ օրենսգրքի 170.8 հոդվածի 1-ին մասով:

Վարչական վարույթի շրջանակներում կողմին փոստային ծառայության միջոցով ծանուցագիր է ուղարկվել վարչական իրավախախտման վերաբերյալ արձանագրության կազմմանը և գործի քննությանը մասնակցելու համար, սակայն 13.04.2023թ-ի դրությամբ ծանուցագրի ստացման փաստը հավաստող ապացույց առկա չէ:

Հիմք ընդունելով այն հանգամանքը, որ անհնարին է տվյալ վարույթի արդյունքում ակնկալվող վարչական ակտի ընդունումը՝ մինչև այդ ակտի հասցեատիրոջն ի հայտ բերելը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 1 մասի «գ» կետով.

ՈՐՈՇԵՑԻ

Նոյեմի Գրիգորյանի նկատմամբ հարուցված վարչական վարույթը կասեցնել մինչև կասեցման համար հիմք հանդիսացող հանգամանքների վերանայում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

